

PEPA O FA'AMATALAGA

Ua fa'a-mataali e le Komesina tulaga ua ave i ai lana fa'amuamua i le taimi o lana asiasiga fa'aaloalo i le Sui Sinia o le UN i Apia, Samoa.

Tuanaimato, Samoa 19 Aukuso 2026.

Na faia talu ai nei e le Komesina o Sulufaiga le afioga Vui Clarence Nelson, se asiasiga faaaloalo atu ia Ms. Karla Robin Hershey, le Sui e Fa'amaopoopina le Ofisa o Malo Aufaatasi i Samoa. Sa faia lea feiloa'iga i le Ofisa Autū o Malo Aufaatasi i Tuanaimato. O lea ulua'i fonotaga ua avea ma fa'avae amata mo le Komesina e fa'amatala ai tulaga ua ave i ai le faamuamua i le taimi nei ma le aga'i atu i le lumana'i, e aofia ai le fa'amalosia o so'otaga fa'ale-fa'alapotopotoga ma Malo Aufa'atasi.

I lea felafolafoa'iga, na faamamafaina ai e le Komesina tulaga ma mea ua ave i ai lana faamuamua autu, e aofia ai le atinaeina ma le mamaluina o fuafuaga fou a le Ofisa mo le 5 tausaga; le malamalama fa'a-tekinolosi ma le puipui o le saogalemu i luga o le initaneti mo tamaiti; ma le faalauiloaina o Aiā Tatau i se si'osi'omaga maloloina ma gafataulimaina ("R2HE"). Na fa'asoa atu foi e le Komesina i le susuga ia Ms. Hershey lana ia fo'i silasila mamao mo se tulafono fa'aleitulagi o Aiā Tatau a tagata i le Pasefika.

I le sailia o se malamalamaga loloto i malosi'aga ma tiute tauave o le Ofisa, na fesili ai Ms. Hershey e uiga i le mata'ituina o galuega a le Komesina i tulaga o falepuipui ma nofoaga o le toe fuata'ina i Samoa. Na fa'aalia e le vaega a le Komesina mulimulita'ia o poloaiga a le Ofisa i lalo o le Tulafono a le Komesina o Sulufaiga) 2013, e taulimaina, su'esu'e, ma faia fa'ai'uga o fa'asea e fa'asaga i leoleo, ofisa o falepuipui, po'o ofisa o isi vaega'au fa'apitoa (prescribed discipline forces) atoa ma le malosi'aga fa'a-tulafono e ulufale ma asiasia falepuipui ma nofoaga o le toe fuata'ina.

Na momoli atu le agaga fa'amalō o le susuga ia Ms. Hershey i le Komesina i lona tofiga fou fa'apea le toe fa'amautuina o le tautinoga a Malo Aufa'atasi e lagolagosua atu i le Ofisa o Sulufa'iga. Na fa'amaonia fo'i e le susuga Ms. Hershey ua sauni le UN e tu'uina atu tomai fa'apitoa, auaunaga faufautua, ma fesoasoani fa'ata'atitia i so'o se mea e mafai ona tapu'e atili ai le taua o galuega a le Ofisa o Sulufa'iga.

-----MAE'A-----